



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Martini Lvtheri Piae Ac Doctae Operationes In Dvas  
Psalmorvm Decades**

**Luther, Martin**

**Basileae**

**VD16 L 5540**

Et ero immaculatus cum eo. Et obseruabo me ab iniquitate mea.

**urn:nbn:de:hbz:466:1-37005**

Surgillat impios, de quibus psal. ix. Auferuntur iudicia tua, a facie eius, fuit & exmula eius synagoga, quæ omnium maxime uideri uoluit, iudicante ante oculos habere, nō repellere iusticias eius a se, quin Ecclesiam huius minimis ream faciebat semper, Quæ concertatio manet, donec caro & sanguis manet, cuius prudentia, dum iustitiam spiritus non capit, & suam argu no patitur, Contra prudentia spiritus, iustitiam carnis laudari non patitur, & iustitia fidei predicat, fit, ut perpetuo bello conterantur hi duo paruuli Elia & Iacob in utero Rebecæ.

Beatus ergo uir, qui meditatur in lege domini, die ac nocte, hic enim auctor conspectum suum habet, omnia iudicia dei, nec repellit a se iusticias eius (Heb. iustificationes eius) hic est, qui custodit uias domini, quæ in iudicij & iustificationis eius præcipiuntur. Haberi autem in conspectu iudicia dei, indicat adiungi: Vbi enim est thesaurus tuus, ibi & cor tuum erit. Matthæi, vj. Opus autem habemus assidue, legem dei ante oculos nostros uersare, quia multus uimur & distrahi uerbo & casibus, Hoc tamen sua sponte faciet, uoluntas in lege domini, quæ nisi assit, cito proiecimus retrorsum sermones domini, ac quod mox sequitur, neglectus uiarum domini, & impietas in deum &c.

*Iudicia & iustificationes* hoc loco, sic differre credo, ut iudicia ad prohibitions pertineant, quibus iudicatur uetus homo, & iustificationes ad precepta, quibus iustificatur spiritus, nouus homo.

Et ero immaculatus cum eo.

Et obseruabo me ab iniuitate mea.

Hic plane constet, reliquum ueteris hominis, contra quod se pugnatrum promittit, sicut Apostolus Gal. v. & Ro. viij. & alijs locis docet mortifica re carnem & membra, quæ sunt super terram. Itaq; custoditis omnibus ipsis do crucifigenda mini & evitata impietate, semper manet negotium crucifigenda concupiscentia in nobis, quo emaculemur & renouemur de die in diem coram deo, & obseruemus nosipso ab iniuitate nostra, ne nos superet, peccatum enim non nobis dominabitur, quia sumus sub gratia, nec concupiscentia carnis obediemus, ut regnet peccatum in mortali nostro corpore, licet non cesset sollicitus, ut regnet & dominetur.

Hanc renouationem assiduam & obseruantiam peccati, impii contemnūt, mundi enim sibi uidentur, quia iudicia & iustitias dei non habent in conspectu suo, nec intelligunt q̄ grandem & absolutam munditiam exigant, Emphasin etiam ob eandem causam addit, cum eo, id est, coram eo. Nam impii, qui has maculas contemnunt, immundi fiunt, de die in diem coram domino, hoc ipso q̄ mundissimi coram ipsis & hominibus sunt. Dictionem, jv. On, quā hoc loco, iniuitatem reddidit, nondum habuimus, nescio qua ratione duceniam ab alijs nominibus iniuitatem significantibus. Libenter ego, operariis eo significari admirerem, ut ad originale peccatum referat, ut sit, On, malum quod effrenis concupiscentia perpetrat, hoc est, quando peccatum regnat & dominatur, in opus proruens. Cætera enim uocabula, magis legem prohibentem, q̄ originem malorum furentem respicere uidentur, sic psal. l. Ecce in iniuitibus conceperus sum &c. Quæ si uera essent, ualde nostro proposito conformarentur, ubi Ecclesia se custodire proponit, ne peccatum reliquum in carna, prodeat in opus.

Ecretiv